

SCRIPT OF MORNING GOJRI NEWS BULLETIN 23AUG 1015 HRS

مارننگ گو جری نیوز بلیٹن مورخہ 23 اگست 2025

یوہ آکا شوانی جموں بے محمد اکرم تیں خبر سُنو۔

LG CIPS AWARDS

لیفٹیننٹ گورنر منوج سنہا نے کہیو بے کہ عوام کی آواز حکومتی پالیسی کی روح ہونی چاہیے یا ہی وجہ ہے کہ ہون پالیسی دفتر مانہ نہیں بن سکتی شہریاں کی تجاویز سے ضروریات مانہ شامل کرتاں واپ پالیسی سازی زمینی سطح ور کی جانی چاہیے جناب لیفٹیننٹ گورنر منوج سنہا نے سرینگر مانہ ایک تقریب مانہ عوامی نظام مانہ جدیت گا مرکز گا ایواڈ فاتحین مانہ اعزاز دین واسطے ایک اعزازی پروگرام گے دوران کئی اپنا خطاب مانہ لیفٹیننٹ گورنر نے باوقار ایوارڈ حاصل کرن آلاں مانہ دلی مبارک باد پیش کی انہاں نے کہیو کہ سی آئی پی ایس اعزازات عوام نظام مانہ تبدیلی گا اقدامات مانہ تسلیم کریں تے اپنگا جشن منان گو مقصد تیز رفتار سماجی تے اقتصادی ترقی مانہ فروغ دینو بے۔

GOVT JEI SCHOOLS

حکومت نے کالعدم تنظیم جماعت اسلامی تے اس نال جڑی تنظیم فلاح عام ٹرسٹ نال بالواسطہ یا بلا وسط جڑی 715 اسکولان مانہ اپنا اختیار مانہ لین گو حکم دتو بے تے اس سلسلہ مانہ تمام انتظامات کرلیا گیا ہیں واضعرہ جے وزارت داخلہ کی طرفوں 2019 مانہ جاری نوٹفکیشن گے مطابق جماعت اسلامی مانہ غیر قانونی قرار دتو گیو تھو۔

CM SAINIK SCHOOL

سینک اسکول نگرولہ نے اپنا 56واں یوم تاسیس مانہ ایک اہم سنگ میل نال منایو جد وزیر اعلیٰ عمر عبداللہ نے نو تعمیر شدہ لڑکیاں گا ہوسٹل تریوینی گر افتتاح کیو وزیر اعلیٰ کی امد ور ان مانہ کارڈ آف آنر پیش کیو گیو انہاں نے اسکول بہادران مانہ خراج تحسین پیش کرتا واپ شوریہ اسمارک ور پھلاں کی چادر چاڑی ت خراج عقیدت پیش کیو اس تقریب مانہ لیفٹیننٹ جنرل پی کے مشرا جی او سی 16 کمان تے سی او ایس ایچ قیو 16 کمان گا میجر جنرل پرم ویر سنگھ ڈاگر وی موجود تھا۔

KHADSE JK YOUTH

کھیل تے نوجوان گا امور گا مرکزی وزیر مملکت رکشا کھڈسے نے کہیو کہ جموں کشمیر تے اس گا نوجوانان گا 20 سو 47 تک وکست بھارت گا ہدف مانہ حاصل کرن مانہ بہت بڑو کردار بے انہاں نے کہیو کہ وزیر اعظم نریندر مودی نے 20 سو 47 توڑی وکشت بھارت گو تصور کیو بے جموں کشمیر تے اس گا نوجوان اس مقصد مانہ حاصل کرن تے ملک مانہ اگے لے جان مانہ بہت بڑو کردار ادا کریں گا کھڈسے نے جمعہ مانہ شیر کشمیر انڈور اسٹیڈیم مانہ جاپان مانہ اگلے سال ہون آلی اشیائی کھیڈاں واسطے وشو گے انتخابی شرایل مانہ شرکت کی جس مانہ 2 سو تیں زیادہ کھیڈاریاں نے حصو لیو۔

جناب وزیر نے کہیو کہ مرکزی حکومت جموں کشمیر گا نوجوانان نانہہ کھیڈاں نال جوڑن گی ساری کوشش کی جارہی ہے تاکہ وے ملک واسطے تمغہ جیت سکیں۔

KHELO INDIA WATER SPORTS

مدھیہ پردیش نے جمعہ نانہہ سرینگر مانہہ کھیلو انڈیا آبی کھیڈ بارے تقریب گیدوران دوجے تہاڑے داو ور لگا چارے سونا گ اتمغہ حاصل کیا ہیں ایم پی گی ٹیم نے چار سونا غا تمگہ ۱ چاندی تے ۲ کانسہ گا تمغہ حاصل کرگے مجموعی طور سب توں اگے ہے جد کہ ایک سونا تے تریچاندے گا تمغہ نال دوجا نمبر وی رپیو میزبان جموں کشمیر نیایک سونا ایک چاندی تے کانسہ گو تمغو حاصل کرگے تیجا نمبر ور رپیو ہے جد کہ آتے اتر پردیش ایک سونا تے ایک چاندی گو تمغو جیت گے چوتھا نمبر ور رپیو تے کیرلہ ۱ چاندی تے ۴ کانسہ گا تمغہ حاصل کرگے ۵ واں نمبر ور رپیو ہے اس غے نال اترکھنڈ نے ۲ چاندی تے ۱ کانسہ گو تمغو جیت گے چھیوون مقام حاصل کیو ہے۔ تے اج کھیڈ گا آخری تہاڑہ 17 تمغہ گو فیصلو وے غو۔

DM VEHICLE MODIFICATIONS

ڈپٹی کمشنر جموں راکیش منہاس نے عوام کی طرفوں چایا گیا منشیات ناہ دور کرتا وان گڈیاں مانہہ ترمیم غا حالیہ حکم کی وضاحت کی ہے۔ انہاں نے کہیو ہے کہ یوہ حکم صرف اُن تبدیلیاں ور لاگو وے غو جہڑی گڈیاں گی اصل طور و عرض مانہہ تبدیلی کریں جن مانہہ رنگ برنگا شیشا پریشہ بارن سمیت غیر مجاز تبدیلیاں شامل ہیں ور پابندی عاند کی گئی ہے۔

PROG ANNOUNCEMENT

علاقائی خبراں آلا شعبہ آکاشوانی جموں نے حال ہی مانہہ پارلیمان مانہہ پاس کیا گیا آن لائن گیمنگ بل 2025 غا فروغ تے ضابط ور 20 منٹ غا ویلہ غو ایک خصوصی مباحثہ پروگرام منعقد کرے گو۔ خصوصی نشریات 23 اگست 2025 بروز ہفتہ دوپہر 12 بج غے 30 منٹ ور نشر کی جے گی۔ اس خصوصی پروگرام مانہہ مارا مہمان محمد یاسین کچلو آئی پی ایس ، ایس ایس پی سائبر کرانم بارے پوچھ تاچھ مرکز برائے ایکسلینس اس عنوان غا موضوع ور اپنی بصیرت تے ماہرانہ خیالات گو اظہار کریں غا۔ اس پروگرام غی میزبانی ماری اینکر شروتی کھجوریہ کریں گی۔ آکاشوانی غی خبر جموں تین میڈیم ویو 303 میٹر یعنی 990 کلو ہٹز تے ایف ایم 104.5 میگا ہٹز ور سن سکیں غا۔
